

Ministarstvo pravde Kantona Sarajevo

Na osnovu člana 59. Zakona o izvršenju sankcija u Kantonu Sarajevo ("Službene novine Kantona Sarajevo", br. 27/07 i 36/15) i člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministrica pravde i uprave Kantona Sarajevo donosi

**PRAVILNIK
O METODOLOGIJI PODNOŠENJA IZVJEŠTAJA O
IZVRŠENJU SANKCIJA****Član 1.
(Predmet)**

Ovim pravilnikom utvrđuje se metodologija podnošenja izvještaja o izvršenju sankcija iz člana 1. Zakona o izvršenju sankcija u Kantonu Sarajevo ("Službene novine Kantona Sarajevo", br. 27/07 i 36/15).

**Član 2.
(Podnošenje izvještaja)**

- (1) Organi nadležni za izvršenje sankcija podnose Skupštini Kantona Sarajevo (u daljem tekstu: Skupština) izvještaj o izvršenju sankcija, na početku godine, a najkasnije do kraja februara za prethodnu godinu, putem Ministarstva pravde i uprave Kantona Sarajevo (u daljem tekstu: Ministarstvo).
- (2) Organi iz stava (1) ovog člana dužni su, po zahtjevu Skupštine ili Ministarstva, podnositi izvještaje o izvršenju sankcija i za kraći period ili samo za određenu vrstu sankcija.

Član 3.

(Sadržina izvještaja)

- (1) Izvještaj iz člana 2. ovog pravilnika sastoji se od tekstualnog dijela i obrazaca I-XIV, koji su sastavni dio ovog pravilnika.
- (2) Tekstualni dio izvještaja sadrži naročito: podatke o kadrovskoj osposobljenosti organa nadležnih za izvršenje sankcija, odnosno mjera, razloge zbog kojih nisu izvršene određene sankcije, odnosno mjere, probleme u vezi sa provođenjem izvršenja sankcija, odnosno mjera, konkretne mjere koje se preduzimaju radi poboljšanja stanja u izvršavanju sankcija, odnosno mjera i prijedlog mjera za poboljšanje stanja u ovoj oblasti.

Član 4.

(Mišljenje Ministarstva pravde i uprave)

Ministarstvo, uz izvještaje iz čl. 2. i 3. ovog pravilnika, dostavlja Skupštini i svoje mišljenje o izvještajima o izvršenju sankcija, odnosno mjera, s prijedlogom mjera za poboljšanje stanja u ovoj oblasti.

Član 5.

(Prestanak važenja ranijeg pravilnika)

Stupanjem na snagu ovog pravilnika, prestaje da važi Pravilnik o metodologiji podnošenja izvještaja o izvršenju sankcija ("Službene novine Kantona Sarajevo", broj 33/07).

Član 6.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 03-04-02-2963-5/21
31. marta 2021. godine
Sarajevo

Ministrica
Lejla Brčić, s. r.